

Micky & Nala, 5j.



suechet zäme äs nöiis Daheime i Wohnigshautig

Liebi Tierfründe

Lueget einisch, sy mir nid zwöi ganz zwöi Hübschi? Eis wie's angeri, nur i Churz- u i Langhoor. Mir sy zäme uf dr Suechi nach eme nöiie Daheime. Warum? Üses liebs Froueli isch verschtorbe u itze sy mir ganz allei uf diesere Wäut. Mir hei zwar es nöiis Daheime, abr das isch nur e Pflägplätzli, hier chönne mir nid uf Duur bliibe. Drum!

Mir heisse Micky (langhoor) u Nala (churzhoor), sy Schwöschtere, 5jährig, waschächti Heilige-Birma-Siam-Mixe, kaschtriert, gimpft, schtuberein, gsung, fit u muntr. Mir sy lieb u guet erzoge, chratze u biisse nie, sy verschpiut, sähr verschmuest u aahänglech. Üse Mönsh geit üs übr aues, bsundrs sin Schooss, dört höckle mir gärn u lent üs verwöhne. Afangs frömdle mir no es bitzeli, ig, d'Nala toue abr schnäu uf, d'Micky bruucht meeh Ziit zum Iigwöhne..

Mir wönt unbedingt zäme bliibe, mir mache aues zäme. Mir wünsche üs ifüelsami geduldigi Lüüt, die wo zu üs luege u viu Ziit mit üs verbringe möchte. Ching, Hung u angeri Chatze wönt mir nid daheime. Nur Du u mir zwöi, das gnüegt üs. Mir chenne nur d'Wohnig mit Baukon, ou das gnüegt üs vouchomme, mir hei chei Drang nach usse z'gah. Abr e gsicherete Baukon, das muess sy, zum usse luege u Vögeli beobachte. Hesch Du eine mit ere inträssante Uusicht? U isch bi Dir oft öpper diheime zum Schpiue u Schmäsele? U suechsch Du zwöi liebi pflägeliichti Büsis zum Verwöhne? Ja? Denn chöntnt das üses nöiis Daheime sy bi Dir, denn müesset mir üs unbedingt lehre chenne. Ah ja, mir wohne im Moment no z'Niederrohrdorf/AG, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs ganz fescht uf Di !

Dini Micky&Nala



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch